



PEKELILING AKADEMIK BILANGAN 14 TAHUN 2020

**PEMAKLUMAN MENGENAI KEMUDAHAN PENANGGUHAN
SEMESTER, PENGURANGAN YURAN PELAJARAN, YURAN
PERKHIDMATAN DAN PENGECUALIAN YURAN
PENGINAPAN SEMESTER II SESI 2019/2020**

Pejabat Pendaftar
16 Julai 2020

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasiliti)
Pegawai-Pegawai Kanan
YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTeM.02.07/100-3/14 (3)

16 JULAI 2020

PEKELILING AKADEMIK BIL. 14 /2020

PEMAKLUMAN MENGENAI KEMUDAHAN PENANGGUHAN SEMESTER, PENGURANGAN YURAN PELAJARAN, YURAN PERKHIDMATAN DAN PENGECUALIAN YURAN PENGINAPAN SEMESTER II SESI 2019/2020

1.0 TUJUAN

Pekeliling Akademik ini bertujuan untuk memaklumkan kepada staf dan pelajar Universiti Teknikal Malaysia Melaka (UTeM) mengenai kemudahan Penangguhan Semester, pengurangan Yuran Pelajaran dan Yuran Perkhidmatan serta pengecualian Yuran Penginapan Semester II 2019/2020 di Universiti Teknikal Malaysia Melaka.

2.0 LATAR BELAKANG

- 2.1 Dengan pelaksanaan Perintah Kawalan Pergerakan (PKP), Perintah Kawalan Pergerakan Bersyarat (PKPB) dan Perintah Kawalan Pergerakan Pemulihan (PKPP) yang dilaksanakan oleh pihak Kerajaan akibat penularan wabak COVID-19, ia memberi kesan kepada kaedah pengajaran dan pembelajaran (PdP).
- 2.2 Pelbagai usaha dan sumber telah digunakan oleh pihak Universiti untuk membantu pelajar dan staf menghadapi kesan penularan wabak tersebut. Pelaksanaan PdP secara dalam talian memberi kesan psikologi kepada pelajar untuk menghadapi norma baharu. Bagi pelajar yang menghadapi masalah dalam meneruskan pengajian pada Semester II Sesi 2019/2020, pihak Universiti telah bersetuju untuk memberikan kemudahan penangguhan semester, pengurangan yuran pelajaran, yuran perkhidmatan dan yuran penginapan mulai pelaksanaan tempoh PKP.

3.0 KEMUDAHAN PENANGGUHAN PENGAJIAN SEMESTER II SESI 2019/2020

- 3.1 Sehubungan itu, Mesyuarat Senat Khas Bil. 2/2020 yang telah bersidang pada 20 Mei 2020 telah bersetuju untuk membenarkan pelajar prasiswazah (sepenuh masa dan separa masa) dan pelajar pascasiswazah (yang perlu berada di UTeM) untuk membuat **penangguhan Semester II Sesi 2019/2020 tanpa mengambil kira bilangan semester yang digunakan.**
- 3.2 Kemudahan penangguhan pengajian ini **tidak wajib tetapi sebagai pilihan** yang diberikan kepada pelajar yang menghadapi masalah untuk meneruskan pengajian pada Semester II Sesi 2019/2020 akibat PKP dan PKPB.

4.0 KEMUDAHAN PENGURANGAN YURAN PELAJARAN, YURAN PERKHIDMATAN DAN YURAN PENGINAPAN

- 4.1 Selain daripada itu, Mesyuarat Jawatankuasa Tetap Kewangan (JTK) Bil. 2/2020 bertarikh 2 Jun 2020 dan Mesyuarat Lembaga Pengarah Universiti Bil. 2/2020 bertarikh 22 Jun 2020 juga telah bersetuju memberi kemudahan pengurangan **Yuran Pelajaran** dan **Yuran Perkhidmatan** serta **Yuran Penginapan** kepada pelajar **Prasiswazah sepenuh masa Semester II Sesi 2019/2020** seperti berikut:
 - i. **pengurangan Yuran Pelajaran sebanyak 50% dan Yuran Perkhidmatan sebanyak 20%** kepada pelajar prasiswazah sepenuh masa yang memohon penangguhan ini.
 - ii. **pengurangan Yuran Perkhidmatan sebanyak 20%** kepada pelajar prasiswazah sepenuh masa yang **tidak memohon** penangguhan semester kerana tidak menggunakan perkhidmatan yang disediakan oleh Universiti sepanjang tempoh Bahagian Kedua Semester II; dan

- iii. caj Yuran Penginapan dikenakan berdasarkan bilangan hari menginap di kolej kediaman sahaja, tidak termasuk sepanjang tempoh PKP dan PKPB.
 - iv. kemudahan pengurangan Yuran Pelajaran dan Yuran Perkhidmatan ini **tidak terpakai** kepada pelajar **prasiswazah separa masa** dan **pascasiswazah**.
- 4.2 Pelajar hendaklah mengambil maklum bahawa dengan penangguhan semester ini akan memberi kesan kepada penajaan atau pinjaman pelajar kerana penambahan semester tidak akan dibiayai oleh pihak penaja/pemberi pinjaman. Pihak pelajar dikehendaki menghubungi sendiri pihak penaja/pemberi pinjaman sekiranya bercadang menggunakan kemudahan penangguhan ini.

5.0 TARIKH KUAT KUASA

Pekeliling Akademik ini berkuat kuasa mulai **22 Jun 2020**.

Sekian, terima kasih.

“BERKHIDMAT UNTUK NEGARA”
“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT
Ketua Pegawai Operasi
Universiti Teknikal Malaysia Melaka